

228608



|       |    |
|-------|----|
| 卷〇七五三 | 倉字 |
| 卷〇七五四 | 倉字 |
| 卷〇七五五 | 倉字 |
| 卷〇七五六 | 倉字 |

永樂大典



永樂大典卷之七千五百十三

十八陽

倉

鉅橋倉

西漢書張良傳周武王發鉅橋之粟服虔曰鉅橋倉名在今廣平郡曲周縣

均輸倉

越絕

書君均東倉春申君造門一里八步又曰吳兩倉春申君所造名均輸

督道倉

史記宣曲任氏之先為督道倉吏秦之敗

也豪傑皆爭取金玉而任氏獨窖倉粟及楚漢交兵民不得田而豪傑金玉盡歸任氏

敖倉

河南志鄭州河陰縣敖倉故地距今

縣治西北一十二里殷仲丁遷舊即此地詩車攻篇搏獸于敖春秋晉師救鄭在敖鄭之閭至秦始皇始築倉於其上故敖倉之名漢高祖亦因敖倉粟

築甬道以饋軍食于滎陽至今名倉頭云淮南鴻烈解說林訓近敖倉者不為之多飯臨江河者不為之多飲其滿腹而已敖倉古常滿倉在

其劉向新序郡食其說漢王臣聞之知天之亮者王事可成不知天之天者王事不可成王者以民為天而民以食為天

開其下乃有藏粟甚多楚人拔榮陽不堅守救倉乃引而東令謫過卒分  
守成臯此乃天所以資漢願陛下急復進兵取榮陽據救倉之粟塞成  
臯之險杜太行之路距蜚狐之口守白馬之津以示諸侯形制之勢天下  
下知所歸矣漢王曰善乃從其計畫復守救倉卒糧食不盡以擒項氏西  
漢書惠帝紀起長安西市修救倉功臣表程黑擊項羽救倉下周昌以內  
史堅守救倉郭蒙以都尉堅守救倉西漢書列傳周勃攻曲遇還守救倉  
灌嬰南送漢王還至救倉翼奉願陟於成周南北千里以為關而入救倉東  
書書安帝紀調濱水縣穀輸救倉注詩曰薄狩於救即此地秦於此築太  
倉蓋延傳遣將南擊救倉唐會要咸通元年閏九月六日置河陽倉隸司  
農寺三年六月十七日於洛州栢崖置救倉容二十萬石至開元十年九  
月十一日廢續通鑑長編仁宗紀慶曆四年范仲淹上策言緣大河州軍  
起救倉支河南民稅及漕江浙粟實也近邊兵馬每三歲一代亦是以寬  
河朔之困之民

### 嘉禾倉

三輔故事漢大將軍周亞夫軍於細柳今石  
檄是也石徹西有細柳倉城東嘉禾倉

細

### 柳倉

三輔黃圖云細柳倉在長安西渭水北石徹西有細柳倉或云在西  
安府咸陽縣西南三十里漢舊倉也文帝後六年周亞夫為屯將

單次細柳服度曰在長安西北如淳曰長安細柳倉  
在渭北近石徹張揖曰在昆明池南今有柳市是也

### 海陵倉

太平寰宇記在泰州海陵縣即漢吳王濞之倉也枚乘上書曰轉粟西鄉  
水行蒲河不如海陵之倉謂海渚之陵因以為倉今已湮滅今海陵縣官  
置鹽監一歲煮鹽六十萬石而楚州鹽城浙西嘉興臨平兩監所出次焉  
計每歲天下所收鹽利當租賦三分之一晉灼曰海陵海中山為倉也

### 長安倉

西漢書宣帝紀本始四年詔丞相以下  
至都官令奏上書入穀輸長安倉

### 甘泉倉

食貨

志太倉甘泉倉西漢書  
張敞傳敞為甘泉倉長

### 白帝倉

公孫述傳八年帝使諸將攻隗囂  
述遣李育將萬人救囂囂敗并沒

其軍蜀地聞之恐動述懼欲安眾心成都郭外有秦時舊倉述改名白帝  
倉自王莽以來嘗寔述即詐使人言白帝倉出穀如山陵百姓空市里往觀  
之述乃大會群臣問曰白帝倉竟出穀乎皆對  
言無述曰詭言不可信道隗王破者復如此也

### 羊腸倉

東漢書鄧  
訓傳

中理序沱石曰河從都慮至羊腸倉縣元水  
之羊腸倉在晉陽西北石隆崇安若羊腸馬成以為名今冀川界羊腸阪

先是晏元獻公類要河東路大通監後魏所立隋煬帝大業四年經此幸汾陽改名深谷嶺俗云魏太祖武避暑之所地理志云上黨臺關亦有

平陽縣不謂此也

### 龍首倉

建康志按隋食貨志京都龍首倉即石頭津倉也臺城內倉常平倉東宮倉所貯不過五十

萬

### 石頭倉

建康志在石頭城內吳置晉曰常平倉南朝因之唐武

德云往來偷石頭倉米一百萬石皆是豪將輩而直打投倉督監以塞責咸和二年蘇峻逼遷天子于石頭以宮屋為官梁使景服臺城食石頭常

平倉所盡便掠居人爾後米一石七八萬錢人和食通典云晉曰常平倉自後無聞梁亦曰常平倉不雜糴陳因之古跡編云唐武后先宅中徐景

業舉兵使其徒賈洪渡江修石頭城以拒守張業平置為鎮仍復縣倉以實之神龍二年廢鎮即移倉於冶城何遜石頭城詩曰萬堆極枵帶憶度

無量出蓋謂此也

### 古苑倉

建康志吳大帝赤烏三年使御史郗儉鑿城西南自秦淮北抵倉城名運漕按實錄宮城即吳

苑城城內有倉名曰苑倉故開此漕運於倉所時人亦呼曰苑倉清咸和中修苑城惟倉不毀故名太倉在西華門內道全宮城之西北冶

**城倉**

金陵景定志曰唐武后徙縣倉以實石頭神龍二年移倉於冶城

**龍門倉**

新唐書地理志河東道河

中府龍門縣有龍門倉開元二年置

**黎陽倉**

食貨志隋開皇三年以京師倉廩盛議備水旱詔於蒲陝等州十三州募運米

丁衛州置黎陽倉洛州置河陽倉華州置廣通倉唐書任環傳至龍門見高祖曰據永豐積粟雖未得京師關中已定矣留戍永豐倉

**鎮**

**教倉**

合肥新志在合肥縣界城樓西北五十里舊經云隋開皇五年在廬壽州界置鎮教倉資治通鑑隋紀徐世勣言於李密曰天

下大亂本為饑饉今更得黎陽倉大事濟矣密遣世勣帥麾下五千人自原武濟河會元寶藏郝孝得李文相及洹水賊帥張升清河賊帥趙君德

兵襲破黎陽倉據之開倉恣民就食決旬間得勝兵二十餘萬

**洛口倉**

資治通鑑隋煬帝紀大業二年置洛口倉於鞏東南

原上築倉城周回二十餘里穿三千窖窖容八千石以還置監官并鎮兵千人至十年諸郡送租滿二千七百餘窖隋末李家自潁川率群盜十餘

萬襲據洛口倉因據鞏縣仍築城斷洛川已南北山周回三十里七管其中後為王世充所破按九域志洛口倉在鞏縣劉仁軌河洛行年記一曰

回洛倉

資治通鑑隋煬帝紀大業二年置回洛倉於洛陽北七里倉城周回十里穿三百窖新唐書李密傳長

白山賊孟讓以所部歸密以裴仁基為上柱國與讓率兵二萬襲回洛倉守之入都城掠居人大天津橋隋出粟米之仁基等敗還保鞏

興洛倉

新唐書李密傳李密說翟讓曰今羣豪競興公宜先天下攘除群凶寧常割奪草間求活哉若直取興洛倉發粟以

賑窮乏百萬之衆一朝可附霸王之業成矣讓曰僕起畝隴志不及此須君得倉更議之二月密以十人出陽城北踰方山自羅口拔興洛倉據之

獲縣長柴孝和開倉賑食衆繼屬至數十萬

河陽倉

宋會要咸亨元年置河陽倉隸司農寺開元十年廢河陽等倉

渭橋倉

宋會要咸亨三年關中饑監察御史王師順運晉降之粟于河渭之間增置渭橋倉

柏崖倉

資治通鑑唐元和十年冬十月庚戌東都奏盜焚柏崖倉宋白曰河清縣有柏崖城唐景福在河清縣西宋會要咸亨三年於洛州柏崖置放倉

大雲倉

新唐書本紀僖宗乾符六年正月淮南將張勣及黃巢戰于大雲倉敗之

都梁山倉

唐沈下賢集淮南都梁山倉記 汴水別河而東合于淮淮水東來帛之  
輸關中者也由此會入其所交販往來大賈豪商故物多遊利鹽鐵之臣  
亦著致其間因擇官分曹以權庶貨而部貢之吏盡令鹽鐵諸官校遣之  
疾徐用賞罰大梁彭城控兩河皆屯兵居卒食出官田而賦畝頗夾河與  
之俱東仰澤河派言其水溫而泥多肥比涇水四月農事作則爭為之決  
決而就所事視其源絲絲不能通槁葉矣天子以為兩地兵食所急不甚  
阻其欲舟楫曝滯相望其間歲以為常而木文多敗裂自四月至七月舟  
傭食盡不得前元和九年隴西李樛為鹽鐵官掌淮口院病其涸滯思欲  
以為救而乃與楊子留使議之曰自閩越已西百郡所貢棧輓皆出是以  
炎天累月之久滯於咫尺之地蒿工諸傭盡其所儲不能賑十年之食只  
益奸偷耳幾或有終歲而不得返其家者今誠得十教之倉列於所便以  
造出入計無憂也正月河水始津盡發所蓄而西六月之前虛廩以待  
東之至者矣如此則後者逸而弊何從生哉議定即以狀白得遂其便於  
是稼度泗上早濕無堪地遂初庾於淮南都梁山十二年詔以誅蔡之師  
食窘促令鹽鐵所輓皆趨郛城下是時下淮南倉發春吏計春其工人曰  
春材必繫若榆吏欲今就山林剪市之稼曰天火方焚曰將樵萬家當項

刻之間雖得弊穢之器奮濁汚之波百夫汲而揚之立見滅患如日不然我欲利其器待我柘桂之杓致滂沱之源撻以救之彼言而後謀則然灰尚不可望而況全者今縣軍十萬旦暮不賑其為急也間不容釐今待汝訪山求材然後用何異乎柘杓滂流之語耶其倉材剪之餘大可以為日小可以為杓長可以為杓之梁薄可以為脰捫失時促命裁之即日而春成百具其餘未與史分辦之先以家奴就役次及群吏各有差所暮凡二十八萬石不涉旬俱得浮淮而西矣十三年夏泗水大災淮溢壞城邑民人逃水西崗夜多相掠奪更驚恐號呼而鹽鐵貨帛十餘萬乃囊之於布緘用吏名載與渡貨帛無遺尺乃內倉中不能盈一教其餘皆廢仕家之急時余遇泗上得其事故與悉論善濟之方而著之以明其績

下

蜀倉

句容志縣舊志曰唐世置鹽鐵轉運司在楊州宋都大發運使在真州

富人倉

隋書食貨志北

齊時武成河清三年定諸州郡皆別置富人倉初定之日准所領中下戶口數得支一年之糧逐當州穀價賤時斟量割當年義租充入穀貴下價糴之賤則還用所糴之物依價糴貯北齊通典河清中今諸州郡皆別置富人倉每人出塋租二石義租五斗塋租送臺義租送郡以備水旱

# 惠民倉

宋史本紀太宗端拱五年令諸州置惠民倉如穀稍貴即減價糶與貧民不遇一斛真宗咸平二年令福建諸路置

惠民倉宋會要真宗淳化五年十月令諸州惠民倉故穀遇糶稍貴即減價糶與貧民不遇一斛咸平二年十月庫部員外郎成肅請於福建

路置惠民倉從之先是三司言福建不須置倉肅以遠俗尤宜存恤故

有是詔是月初九詔諸州惠民倉如在市斛斗價高人戶闕食速具聞奏

當差官往彼減價出糶深慮申奏遲延自今止委知州通判幕職官吏互

監開倉比市價減錢零紐出糶咸平二年十月十七日詔令諸路轉運

司管內有惠民倉處置豐熟則增價以糶歉則減直而出之滋新錄惠民

倉太守李誠之所創糶米三萬石當時議者曰此倉不可創恐為後人廢

腐之累而太守確意為之今歲增一萬石以為後人補虧之助及斬一破

應千庫宇不留片瓦惟此倉獨存目今飢民流歸者賴此存米故得不死

以此見憂國念民身歿之後人被其澤如此宋真西山集新州惠民倉記

嘉定某年某月金華李公守新始至曰城郭完乎有司以圯告則命繕

而新之凡若干丈尺又曰城完矣兵械具乎有司以乏告則命為某器若

干某器若干既又曰吾城堅而械良於守易矣無其人可乎則舉凡兵之

在籍若寓于壑者教之率以法。期年士咸就紀律。公曰可矣。猶未也。夫守  
 恃士兵。恃民民恃食。故食民之大命也。邊之首政也。斯故號沃壤中興。以  
 未派庸未盡復荒。弗未盡治。歲所出不能當中州一大縣。而輸于公家者  
 財萬斛焉。以廩吾兵。且不給。設不幸有旱溢之菑。蟲螟之孽。其奚以相恤  
 哉。予為二千石于此。而奉養畜於斗食吏。非矯也。重民之脂膏。不忍聚而  
 用也。親去勺之贏。還以遺吾氓也。時會而月計之。衆之在官者。屢有餘歲  
 幸此登粟之在民者。亦屢有餘。以其餘於官者。易其餘於民者。不幸吾儉  
 則以藏之。官者復散之。民此徭豫之善畫也。廼簡僚吏之材者。涖厥事。凡  
 樂告者。優其直。予之未幾。得粟為萬石者。二。靡錢緡。若干萬千百有奇。築  
 屋若干楹。以謹其出納。命之曰惠民倉。著公志也。夫民食足。然後有國心  
 人心固。然後可冀。以死守。昔者孟子談王道於戰國。皆是物也。彼爭地爭  
 城之將。縱橫馳說之士。未有不哂其迂。卒之莫或能易者。蓋民弗自安而欲  
 與俱危。不卹其主而欲責之死。無是道也。公之學醇。以深其氣。剛以大蓋  
 淵源。予孟氏者。故其治邊之政。大抵以保民為本。是倉特其一爾。始倉之  
 成。公既以告于朝下。部使者核其實。又書未命某識之。其欲以諗後人。俾  
 勿廢乎。予謂使繼至者。有公之心。雖毋識焉可也。不然。則金版玉書。猶弗

足紀恃此以存難哉雖然仁人心也人心不可泯則是倉不可廢姑識之  
庶異時有考云公名基字茂欽十三年夏五月辛卯朝散大夫集英殿修  
撰權發遣隆興府主管江南西路安撫司公事馬步軍都總管真某記

又勅立義康文云太守到任以來無一念不在斯民近因倚雨思所以為

邦人久速之計在城則置惠民倉儲米數萬石歲歲糴又李正節墓表  
云初公為惠民倉囑某書其事於石變亂之餘公私廬舍俱蕩滅而此倉

巋然獨存遺民未歸賴以有濟公雖死其惠猶足以救飢殍活主靈可不  
謂仁矣乎戊辰修史傳真德秀知潭州安撫湖南罷權酷除斛面申免和

糴以甦其民民艱食既極力贍之復立惠民倉五萬石使歲出糴又易穀  
九萬五千石分十二縣置社倉以偏及鄉落他若立慈幼倉立義社惠政

畢譽真西山集奏置惠民倉狀臣猥以疎庸叨蒙推擇假守湘土深惟委  
寄之重朝夕疚心苟可以惠養民生培固邦本者不敢不用其至惟是民

食一事最關休戚臣在官二年春夏之間郡城居民率苦貴糴蓋其生齒  
阜濬土產有限全仰客米以濟其乏若郵路與上江歲豐穀成轉販者多

僅免闕食一或不然則市直驟增貧民下戶立見狼狽常平義倉之儲本  
自無幾加以法禁嚴重非饑荒已甚之歲不敢輒請發糴故二年之間雖

苦責糶臣皆那融借撥別邑未斛以糶而不敢遽發常平。至今夏米價益  
翔借撥之米不足以繼。然後府中常平司得米五萬石賑糶一城生齒賴  
以全活。而分家之積則已垂罄矣。今歲一旱所傷甚多。來春以後民食必  
乏。倘不亟為備豫之計。惟貯貯馬須客販之至。一或不繼。其將奈何。竊見  
國朝張詠淳化中守成都。以蜀地素饒。生齒寔蕃。稍遇水旱。民必艱食。時  
米一升直錢三十六。乃按諸邑田稅如其價。歲折米六萬石。至春糶城中  
細民計口給券。俾輸元估。糶之奏為定制。其後百餘年間。雖時有災饉。米  
甚貴。而民無菜色。臣之於胥。無能為役。然心竊慕之。考之吏牘。本州秋稅  
米內有所謂折糶者。本正苗之數。其後折錢以充。郡用前後守臣或遇關  
米支遣。則今仍輸本色。臣今措置自今歲為始。將上項折糶。今人戶輸納  
本色。更不折錢。以嘉定十六年納到數目計之。合正與耗為米五萬餘石。  
別教盛貯。名曰惠民倉。歲歲賑糶。其規模大畧。悉倣張詠之法。庶幾城市  
細民自此永無艱食之虞。而因養寓教。又於風化不為無補。所有張詠舊  
法與臣今來區處事宜。不敢上涸天聽。已具申朝省外。竊惟古今良法。未  
有百年而無弊者。惟詠賑糶一事。自淳化至宣和。百有三十餘年。蜀民被  
惠如一日。不惟詠之區畫有方。亦由繼其後者更相維持。小有弊病。隨即

抹藥雖有異議，不為動搖。而朝廷又為著之令，申前後議。臣復主張而申明之，以故行之愈久，其利愈博。臣今欲望聖慈，將臣奏中事宜，特降勅旨，行下本州，永永遠守，使澤人世世蒙被聖朝子育之恩，實一方大幸。謹錄奏聞，伏候勅旨。後批：二件送戶部勘當，限五日申尚書省。右本部契勘。今

都省批下湖南真安撫奏，今措置於本州秋稅，本內特稅者，自今歲為始，今戶輸納本邑，更不折減，以嘉定十六年納到數目計之，今正與耗為米五萬餘石，別秋歲貯名曰惠民倉，歲歲賑糶，永無糶食之虞。送詳勘當事理，本部照得，今詳澤州真安撫所申，以本州折稅并納米已米，置惠民倉如張忠定公知益州日故事，必即守能即周貧人，而不較折稅以為計之利，乃能相繼，經久之良法矣。意得百姓咸受平糶之恩，又可保全常平義倉水旱之備。今勘當欲依令秋指揮下日，行下本州，依應中取朝廷指揮依法指揮，右副付澤州，從戶部勘當到事理施行。非此實慶元年正月二十五日。長沙縣渚江志：惠民倉，義倉間，昨安撫真侍郎為惠民倉以糶于城為社倉，以貸于郊。大參曾公繼之守，而不易，會移鎮南昌，捐十萬一千九百券，分于外十邑，以備賑糶。吾邑得一萬二千券為糶。本公奏請視常平為定令，今丞以主管惠民倉蔡銜任滿，積存石以為功過。常平使者

察焉其義倉一項係本縣貢丞郎古身錢一半計泰三千三百五十貫  
道為糴本糴亦如惠民之法法時具糴以備糴糴已復糴循環無窮皆為  
邑市小民計稅家亦助糴本遂免縣門賑糴擊運之勞在郊既有穀可食  
而稅戶又分場認糴俾鄉邑之民俱有所恃不至歸糴真當二公之惠博  
而水矣然官吏之侵移借兌與夫過歲歛糴糴而價貴迨糴廣而價平則  
本錢有虧漕使李公少卿憂之疏于惠民倉記之下且欲通變無弊每歲  
歛散之際謹察而周視之行數押加斛面取糜費則糴時察之減戶口削  
升合苛限隔則糴時察之至於人以儲積而耗出以優饒而折糴價增糴  
價減因是而本錢有虧少卿慮之尤詳繼而大帥余公輟五十萬泰創惠  
民倉新庫所得利息專以防外十縣虧折仁人之慮遠如此今名存實亡  
士友屢有請于倉臺而竟不能復徒使稅家歲苦於縣糴舉行不聞於豐  
年加以姦胥視為奇貨責弄百端生理優裕者每資緣而多糴困窮當賑  
者多沮格不得糴富不能安貧不能恤革而正之不無望於賢令尹云攸  
縣志惠民倉紹定戊子大參曾公從龍帥渾日置惠民倉其後糴本隸增  
庠淳祐乙巳大使別公之傑照元額發下見錢二千一百七十貫十七界  
官會八千九百貫道仍舊格管在倉各熟收糴以濟春夏發糴官吏奉行

唯謹本縣又有續惠倉乃嘉熙庚子趙知縣崇崇撥錢會二十四百貫入  
寄椿常平庫以備賑濟之所不及其米逐年輪縣官催管長官提督米十  
羊名存實廢魏鶴山大全集漳州惠民倉記 嘉定之季平漳州守臣真  
德秀言所領州生齒阜蕃地力不足以給率仰穀于商舟舟至之不時則上  
下狼狽雖有常平義倉之蓄而令非凶歲毋發也顧守地于斯使民貯  
然無以穀其腹教惡乎施臣竊見淳化中張詠守成都以市直準田稅使  
民歲輸米于官明年春藉城中之民糶以元直其後王曉韓億父子文彥  
博胡宗愈諸賢又相與修其法而守之至于今不能易臣嘗跡諸故府有秋  
稅米合正耗凡五萬餘石石出泉四十二百以給郡用臣請得如成都故  
事斷自嘉定十六年使民輸米貯之別倉榜曰惠民蠲藥量之嚴罷轉輸  
之費較以輸泉輕重略等於公家既無損而糶之日自二月訖七月上新  
陳未接民苦貴糶而計口給春視時直加損焉則於一城生聚為利甚博  
況又什其民以相保受有嚴於罰則毀譽住糶保受者同之蓋非特以穀之  
也又將使休戚察其奇乘而教寓焉既又踰其事以上于尚書而以時屬  
記於卷曰是職分當然毋庸書然吾惠來者之不吾悉而莫我繼也某慨  
然曰公無患焉仁義之心豈獨賢者有之而他人不然也在易之臨澤上

有地其象曰君子以教思無窮容保民無疆夫地臨澤上切近而相滋君子臨民之象也君子之於民類也而出乎類以長之苟是心之常存則爾遇予責爾病予憫其欲教訓而容保之也壘壘乎洋洋乎有自不可已者吾將見是法之行人心所同有推行而無沮撓有變通而無改更也又將見仁遜之與爭訟之息自是法始民惟恐法之不久也而誰以易之或者不過曰郡少府之仰給于泉其未已久不知以粟易泉固無乏於供也輸泉始冬而盡春夏粟之期會亦莫不然其或糴未竟而去官則粟亦然也古人論事惟義之是否而利害所不可計今姑以利害計之則亦見其為利爾僕蜀人也嘗仕于成都於忠定之清蓋身履目擊之閱襁二百里莫之有改則以政諸義而叶雖千載一心也公何患焉公名某字希元建安人以正學直道歷中外幾二十年其守潯也崇社修學復稅酒興社倉營義冢行和糴米建賑惠局凡以利民者無不為也敢併記之以報米者又潯川外十縣惠民倉記 建安真公德秀守潯日嘗為惠民倉以難於國人為社倉以資于郊人人懷其德厥三年溫陵曾公為守守之弗失尚慮外邑市民歲當春夏之交常苦貴糴脫小不登將無所於訴益公居郡以米貢賦之彝式邦國之經用毫髮無所損益惟不急之役無名之餽是省